

**Pilersaarusiortarneq aamma nunaminertat atorpeqartarnerat pillugit Inatsisartut inatsisaata allannguutissaatut siunnersuut pillugu Inatsisartut inatsisaat nr xx af xx xx201x (nuna tamakkerlugu pilersaarusiortarneq pillugu nassuiaasiaq, nunaminertanik inniminniisarnerit, nunaminertamik atuinnissamut piffissaliussamik sivitsuisarnissamut periarfissaq, utaqqisut tulleriiaarneqarnerannik tamanut saqqummiussisarneq, pilersaarusiortarnermut- nunaminertanillu atugassiinermi maalaaruteqartarfiup il. il. peerneqarne-
ra)**

§ 1

Pilersaarusiortarneq aamma nunaminertat atorpeqartarnerat pillugit Inatsisartut inatsisaanni nr. 17, 17 november 2010-imeersumi imatut allannguisoqarpoq:

1. § 8, imatut oqaasertalerneqassaaq:

”§ 8. Naalakkersuisut minnerpaatut ukiut sisamakkaarlugit nuna tamakkerlugu pilersaarusiortarneq pillugu Inatsisartunut nassuiaasiortassapput”.

2. § 20, imm. 1, nr. 3, imatut oqaasertalerneqassaaq:

“3) Sanaartorfiup suussusaa annertussusaalu, uuma ataani ilaatigut sanaartorfiup qanissusaanik, portussusaanik aamma ungasissutsimut tunngasortaanik malittarisassaliorneq.”

3. § 21, imm. 1, nr. 6, imatut oqaasertalerneqassaaq:

”6) Ilusiliinissaq, nunaminertanik sanaartorfiunngitsunik atuneq aserfallatsaaliinerlu, nunaminertat sanaartorfiussaanngitsut tassunga ilanngullugit aamma nunagissaaneq, unga-
loqarfiit, naasoqarfinnik eriaginninneq kiisalu aqqusinernik angallaffiusunillu allanik qullilersuineq.”

4. § 44-p kingorna, immikkoortumi ”Nunaminertanik atugassiisarnerit” ikkunneqassaaq:

”§ 44 a. Nunaminertamik aalajangersimasumik atuisinnaatitaaneq atuisinnaatitaasumut aalajangersimasumut kommunalbestyrelsip ukiut marluk angullugit inniminnersinnaavaa, nunaminertaq qinnuteqaatigineqartoq (SMV) § 4, imm. 2 naapertorlugu avatangiisit pillugit periusissanut siunnersuusiortarfigineqassappat imaluunniit avatangiisinut sunniutigisinnaasat nalilersuivigineqassappata (VVM) avatangiisinut sunniutissanik nalilersuisarneq pillugu malittarisassat nunatsinni atuuttut naapertorlugit.

Imm. 2. Nunaminertamik inniminniisoqarsinnaavoq, aatsaat nunaminertaq qinnuteqaatigineqartoq tunngaviusumik pilersaarummut atuuttumut tamanna naapertuuppat imaluunniit § 32 malillugu inerteqquteqarallarnerup atorunnaarsinneqarneranut atatillugu.

Imm. 3. Avatangiisinut naliliinermut atatillugu suliasamik tusarniaasoqartillugu § 42, imm. 1 naapertorlugu tamanut saqqummiussinertut ittumik, tamanut saqqummiussisoqarnissaanik piumasaqaat § 42, imm. 1 malillugu taamatulli atuutissanngilaq.”

5. § 45-p kingorna immikkoortumi ”Nunaminertanik atugassiisarneq” ikkunneqassaaq:

”§ 45 a. § 27, imm. 3 malillugu kommunimut pilersaarummut tapiliussassatut immikkoortup ilaanut siunnersuuteqartoqarnissaanik aalajangiinnermi immikkoortup ilaanut pineqartumut nunaminertamik atugassinneqarnissamik qinnuteqartumut nunaminertamik atuisinnaatitaaneq kommunalbestyrelsip ukiut marluk angullugit inniminnersinnaavaa. Taamatut pisoqartillugu §§ 42, imm. 1, aamma 45, imm. 3 atorneqassanngillat.

Imm. 2. Imm. 1 naapertorlugu nunaminertamik inniminniineq pillugu nalunaaruteqartoqannginnerani kommunalbestyrelsi pisussaavoq, minnerpaamik sapaatip akunnerini arfinilinni tamanut saqqummiussinnginnermi qinnuteqartup suliassatut siunnersuutaata allagarsiunnissaanut. Tamanut saqqummiussineq kommunimi tamatumuuna nalinginnaasumik periusaasartuq malillugu pissaaq. Tamanut saqqummiussaq aammattaaq kommunip nittartagaanut ikkunneqassaaq.

Imm. 3. Imm. 2 malillugu allagarsiinnermi kommunalbestyrelsi pisussaavoq, piumasaqaatit sordiaat §§ 1 aamma 20 naapertorlugu illuliassamut- imaluunniit sanaartugassamut angisuumut tunngaviummik atuutsinneqassanersut aalajangersaavigissallugit tamanna §§ 1 aamma 20 naapertorlugit.

Imm. 4. Tamanut allagarsiinerup nalaani siunnersuutinik allanik saqqummiussinissaq periarfissaassaaq saniatigullu oqaaseqaateqarnissamut. Siunnersuutigineqartut allat siulliulluni qinnuteqartutulli nalilersorneqassapput”.

Imm. 5. Imm. 1 naapertorlugu kommunalbestyrelsi nunaminertamik inniminniiniarluni aalajangiippat, tamanullu allagarsiinerup nalaani imm. 2 naapertorlugu saniatigut oqaaseqaatigineqartut pilersaarusiortarnermut nassuiaasiami allassimassapput.

Imm. 6. Imm. 1 naapertorlugu nunaminertamik inniminniinissamut piumasaqaataavoq, qinnuteqartup suliassatut siunnersuutigisaata kommunimut pilersaarummut tapiliussassatut siunnersuummut tunngaviliisuunissaa, suliap teknikikkut aningaasatigullu qinnuteqartumit piviusunngortinneqarnissaa ilimanaateqassasoq, aammalu pilersaarutip piviusunngortinnissaanut aningaasassat qinnuteqartumit akilerneqarnissaat tamanna § 53 naapertorlugu.

Imm. 7. Imm. 1 naapertorlugu nunaminertamik inniminniineq ukiumik ataatsimik kommunalbestyrelsip sivitsorsinnaavaa.”

6. § 46, imm. 2, nr. 2, imatut oqaasertalerneqassaaq:

"2) Nunaminertamik atugassiissutaasumik atuinissamut akuersissutip sivilunerpaamik ukiumi marlunni atorneqarnissaanut piffissaliineq. Illuliortiternerni- imaluunniit sanaartugassani angisuuni, illuliortiternerq- imaluunniit sanaartugassaq il. il. aallartinneqareersimappat sanaartorfissamilu nunaminertamik atuinissamut aalajangersagaq malillugu sulisoqarpat nunaminertamut pineqartumut atuisinnaatitaanerup ukiumik ataatsimik sivitsornissaa kommunalbestyrelsip akuersissutigisinnaavaa.”

7. § 47, imm. 1-p kingorna *imm. 2* nutaatut ilanngunneqassaaq:

"Imm. 2. Kommunilbestyrelsi § 46, imm. 2, nr. 2 malillugu nunaminertamik atugassiissutip atorneqarnissaanut piffissaliussamik sivitsuinissaq akuersissutigisimappagu, nunaminertamut

pineqartumut atuisinnaatitaaneq aatsaat atorunnaarsinnaavoq, atuisinnaatitaasup nunaminertamik atuisussaatitaanini malissimanngippagu.”

8. § 48-p kingorna, immikkoortumi ”Nalunaarsuineq” ikkunneqassaaq:

”§ 48 a. Kommunalbestyrelsi pisussaavoq nunaminertamik inniminniinerup aalajangiiffigineqarnerata kommunip nittartagaatigut tamanut saqqummiunnissaanut. Tamanut saqqummiussaq nunaminertap inniminnerneqartup killilersorneranik, inniminnikkap atorneqarnissaanut piffissaliussamik, taamaattorli § 45 a, imm. 7 naapertorlugu kiisalu nunaminertamut pineqartumut qinnuteqarsimasinnaasut allat utaqqisutut tullerriaarnerisa allattorsimaffiunik imaqassaaq.”

9. § 56, imatut oqaasertalerneqassaaq:

“§ 56. Pissutsit Inatsisartut inatsisaanni matumani pineqartut pillugit imaluunniit maleruagassat Inatsisartut inatsisaat manna naapertorlugu aalajangersangaasut naapertorlugit kommunalbestyrelsip aalajangiinera inatsiseqartitsinermut tunngassuteqarpat, Naalackersuisunut suliassanngortinneqarsinnaapput. Taamaattorli pinngitsaaliissummik taarsiinertalimmik arsaarinnisuteqartarnek pillugu aalajangiinerit, tamanna §§ 51 aamma 52 malillugit Naalackersuisunut suliassanngortinneqarsinnaanngillat.

Imm. 2. Maalaaruteqarsinnaatitaasut:

1) Aalajangersaaffigineqartoq

2) Kinaluunniit, suliap inerneranut nammineq inuttut imaluunniit pingaaruteqartumik soqutigisaqarsimasinnaasoq.

Imm. 3. Kommunalbestyrelsip aalajangernerminik nalunaaruteqarneranit, kingusinnerpaamik sapaatit akunneri arfineq-pingasut qaangiutsinnagit maalaarut tunniunneqassaaq.

Imm. 4. Kommunalbestyrelsep akuersissutaanik tiguisoq maalaaruteqartoqarneranik Naalackersuisunit nalunaarfigineqassaaq.

Imm. 5. Naalackersuisut aalajangiineri allaffissornikkut sulialinnut allanut ingerlateqqinneqarsinnaanngillat. Kalaallit Nunaanni Eqqartuussiviit suliarinneqqaartussanngorlugit aalajangiineq eqqartuussivinnut tunniunneqarsinnaavoq.”

10. § 57, imatut oqaasertalerneqassaaq:

”§ 57. Maalaarutigineqartoq tunngavigalugu, Naalackersuisut akuersissuteqarnissat, akuersisutissat inerteqquteqarnissalluunniit Naalackersuisut aalajangiinissaata tungaanut kinguartikkallarsinnaavaat, imaluunniit Naalackersuisut allatut aalajangiinissaata tungaanut.”

11. § 58, atorunnaarsinneqarpoq.

12. § 68, atorunnaarsinneqarpoq.

Inatsisartut inatsisaat 1. Januar 2016-imi atuutilersinneqarpoq.

Kalaallit Nunaanni Namminersorlutik Oqartussat xx. xx 201x.

Kim Kielsen